



14. august 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit nuna tamakkerlugu isikkamik arsarnermi sungiusaasumut tunngatillugu ammip qalipaataa pissutigalugu immikkoortitsineq soraarsitsinerlu pillugit:

1. Kulturimut Naalakkersuisoq imaluunniit Naalakkersuisuni ilaasortat allat isikkamik arsarnermi nuna tamakkerlugu sungiusaasumik GBU-p soraarsitsiniarluni aalajangerneranik ilisimatinneqarnikuuppat?

2. Kulturimut Naalakkersuisoq imaluunniit Naalakkersuisuni ilaasortat allat tamatuma kingorna soraarsitsinerlut akerleriiffiusinnaasumut tunngatillugu tamakkiisumik paasitinneqarnissaq piumasarinikuuaat taamaanngippalli: sooq taamaattoqarsimanngila?

3. Nuna tamakkerlugu sungiusaasoq atorfinitsinneqarnermut tunngatillugu inatsisitigut qanoq illersugaava?

a. Timersornerup pisortanit aningaasalersorneqarnera kiisalu GBU/GIK-p pisortanit ikorfersorneqarnera tunngavigalugu tamanna pisortat atorfinitsitsinerattut isigineqarsinnaava tamatumalu kingorna soraarsitsinerlut atatillugu allattukkanik piumasaqarsinnaatitaalluni soorlu illuatungerisamut tusarniaaneq assigisaallu eqqarsaatigalugit?

b. Atorfinitsitsinerlut atatillugu funktionærit pillugit inatsit atorneqarsinnaava?

c. Soraarsitsinerlut pisortatigoortumik tunngavilersuut naapertorlugu pineqarpassippoq tusatsiakkat, oqaatilliinerit minnerunngitsumillu nuna tamakkerlugu sungiusaasup qanorluunniit oqarsinnaatitaanini atorlugu tusagassaqtitsivinnik oqaloqateqarsimanera tunngavigalugit nuna tamakkerlugu sungiusaasoq soraarsinneqarsimasoq. Naalakkersuisut isumaqarpat, soraarsitsinerlut tamanna tunngavilersuutaasoq pitsaasumik?

4. Naalakkersuisut qanoq iliuseqarniarpat nunatsinni ammip qalipaataa pissutigalugu immikkoortitsinerup akiornissaanut?

5. Naalakkersuisut isumaqarpat nunatta FIFA-mi aamma/imaluunniit UEFA-mi ilaasortannorniarnera innarlerneqartoq suliaq pineqartoq pissutaalluni? Akissut tunngavilersorluaqquneqarpoq.

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Qularinngilara amerlanerpaarpat quarsaarsimassasut saqqummiunneqariataarmat isikkamik arsarnermi nuna tamakkerlugu sungiusaasuusimasoq Tekle Ghebrelul qarasaasiami inuit naapittarfiini saqqummersinneqarmat aabakaatut banaanituumasutut.

Demokraatini siulittaasutut ammip qalipaataa pissutigalugu immikkoortitsinerit suungaluartulluunniit sakkortunerpaamik akerleraakka aamma kanngusuutigaaara nunaqqatima ilaat isumaqarmata ammip



qalipaata pissutigalugu immikkoortitsineq akorngutaanngitsaq.

Suliap eqqumiikkaluartumik inerneraa amqip qalipaataa pissutigalugu immikkoortinneqartup – Tekle Ghebrerulip – nuna tamakkerlugu sungiusaasutut soraarsinneqarnera. GBU-p siulersuisa tusagassiutinut nalunaarutikkut soraarsitsineq allamik peqquteqartinniarsarigaluarpaat, allannortinneqanngilarli soraarsitsineq nunatsinni nunarsuullu sinnerani isigineqarmat amqip qalipaataa tunngavigalugu soraarsitsinertut.

Uanga isumaga naapertorlugu qularnanngilluinnarpoq nuna tamakkerlugu sungiusaasumik soraarsitsineq nunatta tusaamanerluutigissagaa FIFA-mut aamma/ imaluunniit UEFA-mut ilaasortanngorniarnitsinnut atatillugu. Kattuffinni taakkunani ataavartumik amqip qalipaataa pissutigalugu immikkoortitsineq akiorneqarpoq timersortartut nuimanerpaat suleqatigalugit. Aamma amqip qalipaataa pissutigalugu immikkoortitsinerit sakkortuumik iliuuseqarfigineqartarput.

Assersuutigalugu Kroatiami arsaattartut Kattuffiat 80.000 Euronik (600.000 koruunit missaanni) 2012-mi EM-ernerup nalaani akiligassinneqarpoq, kroatiamiut arsaannerup nalaani immikkoortitsinerup ilisarnaataanik nittarsaammata nilliallutillu akerartorlugu italiamiut arsaartartuisa ilaat qernertormioq Mario Balotelli.

Alla amqip qalipaataa pissutigalugu immikkoortitsinermut akiuunneq sakkortoq assersuutaalluortoq tassaavoq italiamiut klubbiisa ilaat Lazio akiligasserujussuarneqartarmat europamilu unammersuarnernut atatillugu nammineq arsaattarfimmini unammitinneqartarmat isiginnaatoqarani illersortasut akeqqaminnut amqip qalipaataa tunngavigalugu immikkoortitsillutik akerartuisarmata.

Kisiannili aamma nuna tamakkerlugu sungiusaasumik soraarsitsineq nunatsinni annertuumik kinguneqarsinnaavoq. Nuna tamakkerlugu unammisartut amerlanersaasa oqaatiginikuuat, nuna tamakkerlugu sungiusaasoq pikkorissuusoq akisussaasorlu annertuumik nunatsinni arsarnerup kusanartumik siuariartorneranut. Soraarsitsinerup kinguneranik aamma futsalimi nuna tamakkerlugu sungiusaasoq kiisalu GBU-p siulersuisuini siulittaasoq atorfimminnit tunuarput.

Naak suliaq nunatsinni nunarsuullu sinnerani nuanniitsorujussuarnik kusanaatsorujussuarnillu kinguneqaraluartoq Naalakkersuisut ipuummeqqapput. Demokratini paasinnittaaserput naapertorlugu aalajangiinerlunneruvoq aamma taamaattumik apeqqtitta ullut sulliviit qulit ingerlanerini akineqarnissaat kissaatigaarput.